




La grossa y la stila



Idiom: Gherdëina

La grossa y la stila
che uel pa inò jì n vila,
su da Mariana Culëta
che ne fej pa mei na drëta,
la njinia na pulëta
cun na drëta stënta,
ala stila mo n bucon
y ala grossa n ciblon.

Iodler

Les vën pa tosc sotsëura,
les cëla bele sun l'ëura,
tlo vala inò de jì,
ne n'on urtà l drë di.
Marianna po' se scusa,
y mëina drët la musa:
"La stila ulovi ngrascé,
y la grossa ulovi smedé."

Iodler

Po' fierles pa su mpe
y dij: "Śën n ons assé."
Les cunscidra mo la rissa

y Marianna po' che tiza:

“La stila à tëut su,

la grossa à tëut ju,

śën jons mo a nudé

y cialon de s'ujiné.”